

առին զբանալի դրան Ս. Աստուածածնի 'ի ձեռաց Լուսարարին, եւ Խորհրդականք անկեալ 'ի դրունս այլազգեաց հաղիւ կարացին դարձուցանել զայն յետս, և էին 'ի կասկածի վասն այլ Ս. Տեղեաց եւ կալուածոց, (1825. 'ի 49 Հոկտեմբերի) :

### Գ Լ Ո Ի Խ Խ Զ .

Առաջնորդ Եգիպտոսի Կիրակոս : Կերբին իռավութիւն վանոց : Նստի-  
րակունք Եթովպիոց : Հոգեառն Լաւոյիկեայ : Անկումն Եղիս Եպիս-  
կոպոսի : Խնդիր առաջնորդութեան Եթովպիոց :

**ՈՐԲԵՒ** եհաս Կիրակոս Եպիսկոպոս 'ի Կոստանդինուպոլիս սակս պատմելոյ ազգին զաղէտս Երուսաղէմի, որպէս գրեցաք, որոշեցաւ լինիլ Առաջնորդ Եգիպտոսի . կոչեցին և զԶաքարեայ վարդապետ Կորեցի 'ի Նուիրակութենէ, եւ եղին Փոխանորդ Աթոռոյն 'ի Կոստանդինուպոլիս եւ զՅարութիւն վարդապետ Եդեսիոյ առաքեցին Առաջնորդ 'ի Չմիւռին քաղաք : Հասեալ Կիրակոսի յեգիպտոս 'ի վիճակ իւր, առ 'ի անբասիր կացուցանելոյ զանձն յամենայնէ՝ ըստ օրինադրութեան Պօղոս Եպիսկոպոսի՝ ծայրադոյն կառավարչի Աթոռոյն և կամեցողութեամբ ազգապետաց, ձեռն արկ բարեկարգ տնտեսութեամբ կառավարել զեկեղեցին . ընտրեաց զերիս անձինս յերեւելեաց քաղաքին խորհրդական և հոգաբարձու առաջնորդական գործոց, զԱրեւելից Պօղոս վարդապետ փոխանորդ, զոմն հաւատարիմ եկեղեցաբան, սահմանեաց արկղ արդեանց եւ տումար ելից և մտից . վերատեսուչ դպրոցի և հիւանդանոցի, և զայլ բարեկարգութիւնս, ըստ տանելոյ տեղւոյն և ժամանակին . յաւել զվարձս տանց, զարկղն և զտումարն պահեաց առ իւր և զբանալին ետ ցՓոխանորդ իւր : Սակայն Աթոռն Երուսաղէմի ոչ երբէք եղիտ զխաղաղութիւն, զի բաց յարտաքին թշնամեաց, յարուցեալ էր և ներքին ընտանի երկպառակութիւն 'ի մէջ միաբանաց . զի նենդաւոր և դաւաճան լեալ ատէին և թշնամանէին զմի-